



Pranuar / Dorezuar Puniljen/Prodato Received/Delivery	19. 01 2024	5	viti god year
Organ /Njesia Organ /Jedinica Org./Unit	Nr Prot Br Prot Prot No	Shtojca Prilog Appendix	Sasia Kolicina Quantity
SK/M/SHK	378/2024		113



Republika e Kosovës  
Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD FOR THE CIVIL SERVICE OF KOSOVA

A.nr.1513/2023

Këshilli i Pavarur Mbikëqyrës për Shërbimin Civil të Kosovës -Kolegji për Shqyrtimin dhe Vendosjen e Ankesave në përbërje nga: Arben Mehmeti, kryetar Malsore Gashi -Bajraktari dhe Eshref Shabani, anëtarë me Rushit Kajtazi- Zyrtar i Lartë për Bashkëpunim Profesional në cilësinë e procesmbajtësit, në procedurën sipas ankesës A.nr.1513/2023 të datës 11.12.2023 të parashtruar nga ankuesja përmes përfaqësuesit të autorizuar Avokat kundër organit të punësimit/ Komuna e Shtimes, në çështjen juridike " Masë disiplinore", duke vepruar në pajtim me nenin 6 paragrafin 1.1 nën paragrafin 1.1, nenin 16 paragrafin 3, nenin 18 paragrafin 1 nën paragrafin 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datën 19.01.2024, mori këtë:

V E N D I M

Këshilli i Pavarur Mbikëqyrës për Shërbimin Civil të Kosovës, shpallet jo kompetent për të vendosur lidhur me ankesën A.nr.1513/2023 të datës 11.12.2023, të parashtruar nga ankuesja

A r s y e t i m

Ankuesja përmes përfaqësuesit të autorizuar Avokat më datë 11.12.2023, ka parashtruar ankesë me numër protokolli 7410/2023, e regjistruar me shenjen A.nr.1513/2023, në Këshillin e Pavarur Mbikëqyrës për Shërbimin Civil të Kosovës, me pretendimet ankimore kundër vendimit me numër protokolli Nr.01/412, të datës 29.11.2023, të Komisionit për Shqyrtimin e Ankesave në Sektorin e Arsimit në Komunën e Shtimes.

Këshilli i Pavarur Mbikëqyrës për Shërbimin Civil të Kosovës, bazuar në Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, më datë 14.12.2023, përmes Emailit ka dërguar kërkesën për përgjigje në ankesë të ankueses në Komunën e Shtimes, ndërsa më datë 16.01.2024, Këshilli ka pranuar përgjigje në ankesë nga Komuna e Shtimes.

Kolegji për Shqyrtimin dhe Vendosjen e Ankesave (në tekstin në vijim Kolegji i Këshillit), bazuar në shkresat e lëndës ka konstatuar së Këshilli i Pavarur Mbikëqyrës për Shërbimin Civil të Kosovës, nuk është kompetent për të vendosur lidhur me ankesën e ankueses

Kolegji i Këshillit nga shkresat e lëndës ka konstatuar se ankuesja sipas kontratës së punës me nr. prot.05/366 të datës 10.09.2020 mbanë pozitën e punës Drejtoresh e Institucionit Parashkollor dhe bazuar në këtë fakt vërtetohet se pozita të cilën e mbanë ankuesja nuk është pozitë e Nëpunësit të Shërbimit Civil ashtu siç përcaktohet në bazë të dispozitave të nenit 5, paragrafi 1, nen paragrafi 1.1, dhe paragrafi 2 i të njëjtit nenë të Ligjit nr. 08/L-197 për Zyrtarët Publik, ku përcaktohet se: *"2. Nëpunësja/i i shërbimit civil është zyrtarja/i publik në kuadër të shërbimit civil i cili merr pjesë në formulimin dhe/apo zbatimin e politikave, monitorimin e zbatimit të rregullave dhe procedurave administrative dhe ofrimit të mbështetjes së përgjithshme profesionale dhe administrative në zbatim. Nëpunësja/i i shërbimit civil ushtron detyrën në pozitën përkatëse, duke filluar nga zyrtarja/i profesional deri në pozitën e drejtueses/it të lartë, në administratën e Presidentes/it të Republikës së Kosovës, në administratën e Kuvendit të Republikës së Kosovës, në Zyrën e Kryeministres/it të Republikës së Kosovës, në Ministri, në Agjenci Ekzekutive dhe në degë lokale të tyre, institucione të pavarura kushtetuese, në agjenci të pavarura dhe rregullatore, në administratën komunale dhe çdo nëpunëse/ës statusi i të cilit është përcaktuar si nëpunëse/ës i shërbimit civil, me ligj të veçantë"*, ndërsa ndërlidhur me këtë çështje kolegji i këshillit me që konstaton se ankuesja nuk ka pozitën e nëpunësit të shërbimit civil, atëherë bazuar në Ligjin nr.08/L-197 për Zyrtarët Publik, nenin 5, paragrafi 1, nen paragrafi 1.2 dhe paragrafi 3 i të njëjtit nenë, ku përcaktohet se: *"3. Nëpunësja/i i shërbimit publik është zyrtarja/i publik i cili ofron shërbime publike të drejtpërdrejta për qytetarët në fushën e arsimit, shëndetësisë, kulturës, artit, në fushën e mjekësisë ligjore, si dhe shërbime tjera të ngjashme publike. Nëpunësja/i i shërbimit publik ushtron detyrën në pozitën përkatëse duke filluar nga niveli profesional deri në nivelin e lartë drejtues. Nëpunësja/i i shërbimit publik është edhe nëpunësja/i i shërbimeve të brendshme në administratën e shërbimeve publike pjesë e administratës shtetërore, në administratën e shërbimeve publike apo pjesë e komunës"*.

Kolegji i Këshillit nga ajo që u tha si më lartë konstaton se ankuesja bazuar në aktin e marrëdhënies së punës përkatësisht kontratën e punës me nr. prot.05/366 të datës 10.09.2020 mbanë pozitën e punës Drejtoresh e Institucionit Parashkollor dhe njëjta nuk ka statusin e nëpunësit të shërbimit civil, por të nëpunësit të shërbimit publik, andaj bazuar në nenin 6, paragrafi 1 nen paragrafi 1.1, të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Këshilli është kompetent për të vendosur vetëm për nëpunësit civil dhe kandidatet për pranim në Shërbimin civil.

Ndërlidhur me këtë çështje Kolegji i Këshillit, pas konstatimit se Këshilli i Pavarur Mbikëqyrës për Shërbimin Civil të Kosovës nuk është kompetent për të vendosur lidhur me ankesën e ankueses, në bazë të nenin 77, paragrafi 1, të Ligjit nr. 08/L-197 për Zyrtarët Publik, ku përcaktohet se: *"1. Përveç kur parashikohet shprehimisht ndryshe në këtë pjesë të ligjit, marrëdhënia e punës për nëpunësen/in e shërbimit publik rregullohet sipas dispozitave të Ligjit përkatës të Punës"*.

Andaj bazuar në nenin 78, paragrafi 1 dhe 2 të Ligjit Nr. 03/L-212 të Punës, ku parashihet se: *"1. I punësuari i cili vlerëson se punëdhënësi ka shkelur të drejtën e marrëdhënies së punës, mund të paraqesë kërkesë të punëdhënësi apo organi përkatës i punëdhënësit nëse ekziston, për realizimin e të drejtave të*

pesëmbëdhjetë (15) ditëve nga data e pranimit të kërkesës, ndërlidhur me nenin 79, ku thuhet se: " Çdo i punësuar i cili nuk është i kënaqur me vendimin me të cilin mendon se i janë shkelur të drejtat e tij, ose nuk merr përgjigje brenda afatit nga neni 78 paragrafi 2. të këtij ligji, në afatin vijues prej tridhjetë (30) ditësh, mund të inicioj kontest pune në Gjykatën Kompetente".

Marrë parasysh konstatimin si më lartë, Kolegji i Këshillit ka konstatuar se Komisioni për Shqyrtimin e Ankesave në Sektorin e Arsimit në Komunën e Shtimes, me vendimin me numër protokoll 04/412, me datë 29.11.2023, ka refuzuar ankesën e ankueses si të pa bazuar në ligj, duke e lënë në fuqi Vendimin me numër protokoll Nr.05-801, tw datës 02.11.2023, lidhur me shqiptimin e masës disiplinore „Vërejtje me shkrim“, duke i dhënë ankueses Këshillën juridike, që të parashtrijë ankesën në Këshillin e Pavarur Mbikëqyrës për Shërbimin Civil të Kosovës, prandaj mbi bazën e këtij konstatimi sa i përket çështjes juridike, Kolegji i Këshillit konstaton se ankuesja për realizimin e së drejtës duhet ti drejtohet Gjykatës Kompetente, për kundër faktit se këshilla juridike është dhënë gabimisht, me rastin e nxjerrjes së vendimit nga Komisioni për Shqyrtimin e Ankesave në Sektorin e Arsimit në Komunën e Shtimes.

Kështu që pas analizimit dhe vlerësimit të të gjitha shkresave të lëndës si dhe duke u bazuar në nenin 18 paragrafin 1 nën paragrafin 1.8 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Kolegji vendosi si në dispozitiv të këtij Vendimi.

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, Gjykatën Themelore në Prishtinë/Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

## KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS

Lënda: A.nr.1513/2023, datë 19/01/2024.

Rushit KAJTAZI

Zyrtar i Lartë për Bashkëpunim Profesional

Arben MEHMETI

Kryetar i Kolegjit

Vendimi i dërgohet:

- Avokatit
- Drejtorit të Drejtorisë së Arsimit në Komunën e Shtimes;
- Udhëheqësit të Personelit në Komunën e Shtimes;
- Arkivit të KPMSHCK-së.

